

Ўзбекистон Республикаси Мустақиллик куни — 1991 йил 1 сентябрдан чиқа бошлаган

Муассислар: Ўзбекистон Республикаси Хотин-қизлар кўмитаси, Болалар жамғармаси ва «Соғлом авлод учун» Халқаро жамғармаси

ЎЗБЕК КУРАШИ ЁШ ТАҢЛАМАЙДИ — ПОЛВОНЛАР ҚАРИМАЙДИ



М. МИРСОДИҚОВ ОЛГАН СУРАТ

Мустақиллик шарофати билан халқимизнинг азалий удумлари қайта тикланди. Фарзандини бешиқдалигидан курашга, ҳалол олишувга ўргатадиган халқимизнинг бобомерос удумлари боис юртимиздан не-не аиллар етишиб чиқмади дейсиз... Кураш бўйича биринчи жаҳон чемпионатининг голиблари Тоштемир Мухаммадиев, Ақобир Курбанов ва Камол Муродовлар билан ҳар қанча фахрлансак арзийди.

Кураш халқ орасида тугилиб, халқ орасида вояга етган. Халқимизнинг бу миллий спорт тури Мустақиллик шарофати билан тобора ривожланиб бормоқда. Тўйларда, сайлларда елкаси ерга тегмаган полвонлар бугунги кунда ўзбек курашини жаҳон гиламларига олиб чиқишмоқда...

2000 йил - "Соғлом авлод йили" деб аталди. Соғлом авлод ўстириш, баркамол фарзандларни тарбиялаш ота-бобларимизнинг қадим орзуларидан бири. Шу маънода куни кеча пойтахтимизнинг ЖАР спорт соғломлаштириш комплексига Ўзбекистон Кураш Миллий Федерацияси, Республика спорт кўмитаси, Ўзбекистон Телерадиокомпанияси, Тошкент шаҳар ҳокимлиги ҳамкорликда "Соғлом авлод йили"га бағишланган "Ўзбек кураши ёш танламайди - полвонлар қаримайди" шiori остида фахрий полвонлар ўртасида Ўзбекистон чемпионатини ўтказди. Бундан кўзда тутилган мақсад, фахрий полвонлар ўртасида энг

қучиларни аниқлаш, ўсиб келаётган ёш авлодга ўзбек курашининг ҳаётий фалсафасини янада кенгрок тарғиб қилишдир. Қизгин кечган бу мусобақада юртимизнинг барча вилоятларидан 60 ёшдан юқори бўлган полвонлар қатнашишди.

Кураш мухлислари фахрий полвонларнинг ҳар бир чиқишларини гулдурос қарсақлар билан олқишлаб ту-

Ҳақиқатдан ҳам ўзбек курашида халқимизнинг руҳиятига, асл хислатларига азал-азалдан хос бўлган фазилатлар: мардлик, жасурлик, бағрикенглик, рақибига нисбатан олижаноблик, ҳалоллик, инсонпарварлик фалсафаси мужассамлашган.

И. КАРИМОВ

ришди. Ва ниҳоят, мардлик, ҳалоллик, жасурлик жўш урган фахрий полвонларнинг кураш мусобақалари якунланди. Фахрий полвонлар ўртасида ўтказилган Ўзбекистон чемпионатининг голиблари аниқланди. Ўзбек кураши бўйича Курбон Эргашев (Сурхондарё), Мухаммад Каландаров (Хоразм), Бекназар Худоёров (Қашқадарё), Жаббор Маҳмарасулов (Қашқадарё), белбоғли кураш бўйича эса Ҳошимжон Ақбаров (Андижон), Тожимат Ҳамдамов (Андижон), Иброҳим Мамадалиев (Андижон), Аъзам Абдуллаев (Фарғона), Жаббарали Хайдаров (Фарғона) Ўзбекистон чемпионатининг голиблари деб топилди.

Мусобақа якунида биз Ўзбекистон Халқаро кураш ассо-

циацияси президенти К. Юсуповни суҳбатга тортдик.

- Кураш халқимизнинг энг сеvimли спорт турларидан бири. Маълумки, ўтган декабр ойи - "Кураш ойлиги" деб эълон қилинди. Бўлиб ўтган мусобақаларда 5 ёшдан 70 ёшгача бўлган полвонлар қатнашдилар. Беллашувларда 12 миллиондан зиёд кураш мухлислари 2 миллиондан ортик полвонларнинг маҳоратларини мароқ билан томоша қилишди. Бўлиб ўтган қизгин баҳслар Миллий Кураш Федерациясини янги-янги режаларга руҳлантирди. Эндиги вазифалардан бири - мамлакатимизда аёллар миллий курашини тиклаш. Бу борада ҳам дастлабки қадамлар қўйилди десак, янглишмаймиз. Бу йил Россиянинг Твер шаҳрида бўлиб ўтадиган жаҳон ўсмирлар чемпионатида қизлар ҳам ўзбек кураши бўйича иштирок этишади.

Сўнги сўз ўрнида: Фарзандлар - халқимизнинг келажаги. Уларнинг соғлом ва баркамол ўсишлари учун бугун олиб бораётган ишларимиз катта аҳамиятга эга. Худди шу истак халқимизнинг: "Илоийм, тўрт мучанг соғ бўлсин", деган дуосида ҳам ўз ижобатини топган. Кураш ойлиги тугади, бироқ олдинда халқимизнинг сеvimли фасли - баҳор яқинлашмоқда. Бу фасл шуниси билан қадрили, халқимизнинг энг азалий ва сеvimли урф-одатлари айнан шу фаслда нишонланади, тўйлар сайлларга уланади. Демак, кураш яна давом этади...

Фарида ТОХИРОВА

ШАБРИКЛАР ВА ЭЪЛОҲЛАР

ОБИДЖОН!
Сени 5-феврал - 18 баҳоринг билан кутлаймиш. Ўзоқ урф, соғлиқ ва бахт тилаймиш. Бафта фарзларинг рўёбга инқилиш.
Оила аъзоларинг

Азиз дилбандимиз **САНЖАРБЕК!**
Сени 3-феврал - туғилган кунинг билан кутлаймиш. Қўзимизни кубнашиб, соғ-омон болга өтсин.
Отанг Сайфиддин, онанг Муяссар

Азиз ўғлимиз Шерали **ЭРГАШЕВ!**
Сени 30-ливар кунинг 10 ёшга тўғлишинг билан ёни дилдан шайриқлаймиш. Бахтимизга соғ-саломат, яхши нисон бўлиб камолга өтсин.
Отанг Муҳаммадjon, онанг Санобархон

Хурматли **АКБАР ака!**
Шаваллуд кунингиз муваффақ бўлсин! Хаётиингиз шодликка бой бўлсин. Саломат бўлинг.
ТКБ-4 ходимлари

Ойжонимиз **МУХТАБАР АББОСОВА!**
Сени 2-феврал - таваллуд кунингиз ва кўнжур 50 ёшингиз билан шайриқлаймиш. Оиламиз бахтга доимо соғ бўлинг. Адам билан қўша қариб, ёзилинг фарзандларингиз кўриб қолсин.
Фарзандларингиз: Муҳаббат, Малоҳат, Анвар, Алишер, Малика

Кайда ўзи - уша бахт?
МЕН ҲАМ ТИНИБ-ТИНЧИБ ФАРЗАНД КЎРСАМ...
Мен 1977 йилда туғилганман. 1995 йил ноябр ойда турмушга чиқдим. Айрим сабаблар билан икки ой ичида ажрашиб кетдим. Мана ўшанга ҳам ҳозир 5 йил бўляпти. Қайта турмушга чиққанам йўқ. Банк идорасида ишлаб юрибман. Биламан, ҳали ёшман. Лекин негадир ҳадеганда бошимга бахт куши кўнмаяпти. Менинг собик синфдошларимнинг ҳаммаси иккитадан фарзандли бўлишди. Бировдан камчилигим йўқ - ўзимга яраша хусним бор. Лекин не қилайки, ҳеч бахтим очилмаяпти. Балки сеvimли газетам сабабчи бўлиб, бахтимни топсам деб шу мактубни ёздим. Ўзим ҳаётда кўп кийналганман. Ёш қиз экану эр қидириб қолибди, деб айбга буюрмаслигингизни сўрайман. Турмуш қуриб, тиниб-тинчиб кетишни, фарзанд кўришни хоҳлайман.
ДИЛОРОМ
Ангрөн шахри

ОИЛА - 542
Олий маълумотли, тошкентлик, оиласидан ажрашган 35 ёшли ўзбек йигити 25-35 ёшлардаги ўзбек, турмушга чиқмаган ёки бир фарзанди бўлган (иложи бўлса уй-жойли) аёл билан турмуш қуришни истайди.

ЭЪЛОҲ
Беруний шахрида пишик гишдан қурилган, икки қаватли, саккиз хонали, ун сотих ер участкаси бор, барча қулайликларга эга (канализация, сув, табиий газдан алоҳида иситиш системаси, ҳаммом, гараж ва х.к.лар) шахсий уй сотилади ёки Тошкент шахридаги уй (дом) га ўзаро келиш-килинган ҳолда алмаштирилади.
Тел: 54-01-85. Файзуллани сўранг.

Опажонимиз БҮРИХОЛОЙ!
Сени 4 феврал - таваллуд айёмингиз - 35 баҳорингиз билан ёни қайимиздан шайриқлаймиш! Сизга бахт ёр бўлсин.
Сиз бор хонадонинг доимо бахту-саодат, тинчлик, яхши кайфият фарқ этмасин.
Бахтиёр ва Муҳайё

“ЗУККО” фирмаси ўқув маркази сизларни турли курсларга ўқишга таклиф этади

3-ойлик Бичиш-тиқиш - бир ойга 2000 сўм. Инглиз тили - бир ойга 1500 сўм. Телерадиоусталари - бир ойга 2000 сўм. Бухгалтерия - бир ойга 2500 сўм.	2-ойлик Торт тайёрлаш - бир ойга 2000 сўм. Сартарошлик - бир ойга 2500 сўм. Массаж - бир ойга 2500 сўм. Уй ҳамшираси - бир ойга 2500 сўм. Лор ҳамшираси - бир ойга 2500 сўм.
--	--

Ўқиш ҳафтада икки марта. Ўқишни битирганларга диплом берилади.
Манзилимиз: метронинг “Тинчлик” бекати. “Азиз Сайфи қизи” ательесининг ичида.
Тел: 42-19-57. 186-57-89. “Адида” дўкони ёнида.

Синглимиз ДИЛУЗАХОН!
Сени 7 феврал - таваллуд кунингиз билан сизимий муваффақ бўлсингиз. Сизга соғлиқ, омад, ишларингизда ривож тилаймиш. Фарзандларингиз бахтга ҳамшира омон бўлинг.
Акангиз Азамат, келинойингиз Рисолат

Азиз волидаи муҳтарамамиз **Фароғат САТТОРОВА!**
Туғилган кунингиз муваффақ! Олжадан сизга ўзоқ урф, бахтимизга доимо соғ бўлишингизни сўраймиш!
Умр йўлдошингиз, фарзандларингиз ва сеvimли неварангиз Тўлқинжон

ОҚ ФОТИҲА БЕРИШГАЧ...
Ўрта мактабни битиргач, олий ўқув юртига ўқишга кириш учун Давлат имтиҳонини топширдим. Негадир у ерга ўқишга киришимга кўнглим тўқ эмасди.
Бир кун имтиҳондан сўнг туш кўрдим. Тушимда ойжонимдан фотиҳа сўраб “оқ от” миниб чўлга жўнадим. Жуда кўп юрдим, 3 та чўлни кездим, қарасам қаршимда катта мақбара турар эмиш. Мен ўша томон йўл олдим, ичкари тўла оқ кийинган Ҳожи бобо ва Ҳожи оналар турар эди. Улар мени отдан тушириб, зина томон йўл кўрсатди...
Мен уч катта зинани босиб ўқорига чиқдим, бошим устида катта кўк гўмбаз турар эмиш. Гўмбаз ичидан бир мўйсафид чол қичиб: “Қўзим, Маккаи Мадинага хуш келибсан, зиёратинг учун ўқишга қабул қилидинг, талабалар сафига киритилдинг”, - деди-да, кўздан ғойиб бўлди. Мен ҳайрон бўлиб гўмбаз ичига кирдим. Кириб фотиҳа ўқидим ва гўмбаз атрофларини кўлим билан силаб, бошимга суртган эдим, кимдир беҳосдан уйғотди.
Ўрнимдан туриб ойжоним ёнига югурдим, кўрган тушимни айтиб бердим. Ойим: “Қўзим, насиб этса ўқишга кирасан”, - деди.
Уч кундан сўнг тушим ўнгидан келди. Имтиҳоннинг натижаси чиқди, бориб жавобларимни кўрган эдим, буни қаранг-ки, чўлни кездим, уч зинани босиб ўтдим, ўқишга кирганлар рўйхатида тўртинчи бўлиб кирган эдим...
Мадина МУХТОРОВА, талаба

“БЕГОЙИМ - СЕРВИС”
Азиз аёлларни ўқишга таклиф қилади:

1. Массаж.
2. Замонавий урфдаги пардалар тиқиш.
3. Инглиз тили.
4. Сартарошлик.
5. Ҳамширалик.
6. Тиқиш-бичиш, моделлаштириш.
7. Компьютер.
8. Торт-салатлар тайёрлаш.

Манзил: Тошкент ш. Ўрда бекати, Анҳор бўйи кўчаси. 6-уй.
(Вилоятлардан келганларга ётоқхона берилади.)
Ўқишни тугатганларга диплом берилади.
Тел: 41-16-63

Онажонимиз Улуғой ПАРДАЕВА!
Сени 5 феврал - туғилган кунингиз, 45 ёшга тўғлишингиз билан шайриқлаймиш. Бахтимизга доимо соғ бўлинг.
Ўғилларингиз: Тўйчи ва Сайфиддин Курбоновлар.
Камашни тумани, Лангар ж/х.

“ОИЛА ВА ЖАМИЯТ” УЎГИТНОМАСИ

- Сув кўп қуйилса ошни айнитар.
- Пайдар-пай ичимлик бошни айнитар.
- Ароқнинг кетиға тушдими киши, Баравар-каттау ёшни айнитар.
- Ноннинг ушоғи ҳам ноннинг ўзи-ку.
- Нон эса баданда жоннинг ўзи-ку.
- Нонимиз бўлмаса жонимиз ҳам йўқ.
- Нон эса худди шу ноннинг ўзи-ку.

Оққа кўчирувчи Ойбек КАРИМЖОНОВ

ҚОВҒА (21 АНВАР - 18 ФЕВРАЛ)
Ушбу юлдуз буржи остида башариатнинг даҳо шахслари кўп туғилганлиги диққатга сазовор. Галилео Галилей, Чарлз Дарвин, Алишер Навоий, Борис Пастернак, Франклин Рузвельт, Томас Эдисон ва бошқалар шулар жумласидандир.

ҚОВҒА - ЭРКАК
Қовға - эркак ҳаётда билим олишни асосий мақсад деб билади. У бир-бирига сира алоқаси бўлмаган маълумотларни бир пайтнинг ўзида тўплай олади ва сиз берадиган бирорта саволни жавобсиз қолдирмайди. Сарф-харажат масаласида жуда эҳтиёткор, аммо бу билан уларни ҳасис деб бўлмаёйди. Бошқалар учун бир тийинга қиммат илмий китобни “отасининг баҳоси”да бўлса ҳам сотиб олишга маблағ топади.

Эҳтиросли аёллар учун Қовға - эркак бамисоли “дардидар”. “Биринчи учрашиш - танишиш, иккинчи учрашиш - дўстлашиш, учинчи учрашиш - уйланиш” формуласи Қовға - эркак мисолида чиппакача чиқади. Қовға - эркак билан танишишдан то “жуфтлашиш” босқичигача бир-икки қовун пишиги ўтиб кетиши турган гап. Масалан, Сиз у билан бирор ишқий фильмга тушиш учун келишиб олгансиз. Аммо, кинога бирор соатлар вақт қолганда у сизни “хайвонот боғи”га етаклаб кетиши ҳеч уларни ҳасис деб бўлмаёйди. Бошқалар учун бир тийинга қиммат илмий китобни “отасининг баҳоси”да бўлса ҳам сотиб олишга маблағ топади.

ни яхши билади. Оилавий ҳаётда хиёнатни билмайди, бутун борлиги билан иш ва оилавий муаммоларга банд бўлади. Шунга қарамай, бундаи “олтин эр”нинг хотини бўлишга ҳамма аёллар ҳам рози бўлавермайди. Жилванган эҳтиросга эга бўлган аёллар у билан бемалол турмуш қуришлари мумкин. Негаки, қовға-эркак оилавий ҳаётнинг бошқа масалаларида қўлгил, иқтидорли, содиқ ва ишончли жуфт.

ҚОВҒА - АЁЛ
Қовға-аёл оқила, жозибадор ва хушмуомила. Шу боис унинг хонадонидан меҳмонлар аримайди. Бундан унинг ишқий дунёси у қадар ҳам рангбаранг эмас деган фикр ке-

басига учган эркак қовға-аёлнинг чойшабига битта ҳам ғижим тушира олмаслиги мумкин. Бежолос эҳтирос унга беғона ва керак ҳам эмас. Қовға-аёл ҳаёт наҳидасини қувнок даврада, дилкаш мулоқотлар, тўй-ҳашамларда кўради. Дилини шубҳа-гумонлар ва рашқдан холи тутайди. Ўзи садоқатли бўлганлиги туғайли жуфти ҳалолнинг хиёнатидан қаттиқ изтиробга тушади, аммо буни “хиёнаткор”нинг юзига солавермайди. Бундай пайтада “от айланаб қозигини топади” мақолига

амал қилади. Қовға буржи остида туғилган аёллар осуда турмушни хуш кўрувчи эркаклар учун гоят мос жуфт ҳисобланади.
Қовға буржи остида туғилганлар Эгизаклар (22.V - 22.VI), Тарозу (24.IX - 23.X), Ўқотар (23.XI - 21.XII) юлдуз буржлари остида туғилганлар билан осуда ҳаёт кечирадилар.
Кўй (21.III - 20.IV), Қисқичбақа (22.VI - 22.VII), Париқод (24.VIII - 23.IX) юлдуз буржлари остида туғилганлар билан турмушлари бир нави кечади.
Чаён (24.X - 22.XI), Бузоқ (21.IV - 21.V), Арслон (23.VII - 23.VIII), Тоғ эчкиси (22.XII - 20.I) юлдуз буржлари остида туғилганлар билан турмуш қуриш-қурмаслик ўзларига ҳавола.
Оллоёр БЕГАЛИЕВ тайёрлади



ШУ СЕВГИ

Мени хандон чечакларга ошно қилди бу севги,
Хайри-васл, чўпчакларга ташна қилди бу севги.
Гоҳ олов, гоҳ сувга отиб, ўлдириб тирилтирди,
Тинмай дардим улғайтириб, яшнаш билди
бу севги.

Инсу жинслар макрими деб ўйга толсам
жилмайиб
Одамизод меҳриман, деб яраш қилди бу севги.
Ялт этиб чўғ кўринар, юрагимга кўр инар,
Қаро туним ёритгудек қараш қилди бу севги.

Чўғ илинжи билан кунни кеч қилган ҳам
шу севги.
Етганимда чўғи сўниб, ҳеч қилган ҳам шу севги.
Бас Умида, одамлардек яша фикринг жам қилиб,
Деган чоғим арзу оҳим пуч қилган ҳам шу севги.

Ҳар қадамда таъқиб этиб, қўймайди тек шу севги,
Ўтга отиб учқунимда қўймайди лек шу севги.
Муҳаббатим куй қўшиққа солсам васфин мадҳ этиб,
Фақат васлин бахш этмоқни сўймайди лек шу севги...

МЕНИ ХАНДОН ЧЕЧАКЛАРГА
ОШНО ҚИЛДИ БУ СЕВГИ

НАЗМ ДАФТАРИДАН

ЮРАК

Юрак, ўзинг нимасан,
Ақл билан юрмайсан.
Қачон ўзи тинасан,
Ё меъёрда ургайсан.

Бир саволга мен тикка,
Бир ҳаёлда толгайман.
Эй Умида юракка
қачон жилов солгайсан?

Кувонч сеники баъзан,
Алам сеники баъзан.
Қишда қор, ёзда қуёш-
олам сеники баъзан.

Баъзан таржимон кўзлар
маломатга қолгайдир.
Баъзан пурмаёно сўзлар
Арш-аълога йўллайдир.

Илк уришинг ҳаётдан,
Нашъу намодан дарак.
Тек туришинг-мамотдан,
Йўқликдан дарак, юрак.

Курашга чиқиб якка,
Кураш билан ўлгайсан.
Эй Умида, юракка
бунча таслим бўлгайсан?...
Умида АБДУАЗИМОВА

Оташ эди қалбимда ҳислар,
Оташ эди нигоҳларим ҳам.
Бирок у вақт у қора кўзлар
Ўзгаларга боқарди у пайт.
Ўқсир эдим юракдан пинҳон,
Пинҳон тушиб бахтин қасдига.
Бирок ногоҳ учратганим он
Сўз келмасди тилга аксига.
Орқасидан боқиб қолардим
Тилаганча улар бахтини.
Юрагимни ёқиб қолардим
Қайтармадим дея шахдини.



Минг азоб-ла оташин ҳислар
Кўмилганда бағримга сўниб
Қайтиб келди у қора кўзлар
Қаърига дард, ўкинчлар кўмиб.
Ёнар эдим, ҳаяжонда тан,
Қора кўзлар фироғида ман.
Энди эса ўша кўзлардан
Яширина олмай доғман.

(Боши 4-бетда)

Ўша ҳолатда Азизани эри билан ким, қандай куч
боғлагани, у эр эрининг қилмишларини ҳаммадан
яширган, ёлғон гапириб бўлсада, эри билан яшашга
ҳаракат қилган. Балки энди эмас, ўша пайтда аж-
рашиб кетганида бугунга келиб иккита бегуноҳ бола
туғилмас, тирик етим бўлмасми...

Москвадан қайтгач, Азиза ҳеч нарса кўрмаган-
дек яшай бошлаган. Эри яна ура бошлаган,
ҳақоратлаган. Азиза яна ҳеч кимга муурожаат қил-
маган. Ҳатто тақдири ҳақида, шу кетишда эри бил-
лан умрининг охиригача яшай оладими, йўқми,
ўйлаб ҳам кўрмасдан яна ҳомиладор бўлган. Ҳомила
2 ойлик бўлгандан то бола дунё юзини кўргунга
қадар касалхонада ётган, дўхтирлар назоратида
бўлган. Кейин эса эри Азизадан ҳам, боладан ҳам
воз кечган. Менга укол билан туғилган бола ке-
рак эмас, деган. Азиза туғруқхонадан отасини уйи-
га боришга мажбур бўлган. 46 кун у ерда яшаган.

Эри эса кимсан, нимасан дема-
ган. Кейин қишлоқ фуқаролар ра-
исаси Азизани эриникига олиб
бориб қўйган. Кечкурун эри хоти-
нини, боласини кўриб тепа сочи
тикка бўлган "Нега келдинг, сени ким олиб келди,
кет, йўқол", деб ҳайдаган, урган, сўккан. Лекин Ази-
за кетмаган, эрига ялинган. Яна бирга яшай бош-
лашган. Энди эри Азизани аввалгидан беш бат-
тар хўрлаган, ота жоҳил кимсага, ҳатто боласини
ҳам тан олмаган "манкурт"га айланган, кунда ич-
ган, дунёнинг лаззатини пул билан ароқда кўрган.

Шунда ҳам Азизахон сиз, "Нега эрим мана шу
даражага тушиб қолди, нега у фарзандли бўлсак
ҳам қувонмади, нега у хар кун ичади, мени қий-
найди. Энди бу ёғига қандай яшайман, балки бу
ерда менинг ҳам айбим бордир?," - деб аёллик ҳис-
туйғуларингиз билан яхшилаб ўйлаб кўрмасдан,
эрингизни руҳияти билан заррача қизикмасдан яна
ҳомиладор бўлгансиз. Бу эса эрингиз учун көро-
синга гугурт қаққандек бўлган. Чунки сиз иккинчи
фарзандингизга ҳомиладор бўлгандан то у туғил-
гунча дўхтирхонада ётгансиз (биз "бекор ётган-
сиз", - демоқчи эмасмиз). Аммо ўша пайтларда

эрингиз қандай ҳолатда яшаган. Уйда аёл бўлма-
гандан кейин эркакнинг ётиш-туриши, иссиқ-сову-
ғини тайини бўлмайди. Еган ичгани ўзига юқмай-
ди. Уйда сиқилган, кўпроқ вақтини кўчада ўтказган.
Балки баъзи бир озғига кучи етолмаганлар "касал-
ванд хотинни бошингга урасанми, қўйиб юбор", -
ҳам дейишгандир. "Укол билан туғилган бола, бола
бўладими", - деб маслаҳат ҳам беришгандир. Эринг-
из ана шундай руҳий тушунликда шундоғам сиз
билан яшашни ҳам, яшамасликни ҳам иложини то-
полмай юрган бир даврда сиз ҳеч нарсани, ҳатто ўз
соғлигингизни ҳам ўйламасдан, қўлингизда 3-4 ой-
лик чақалогингиз бўла туриб яна учинчи болани ту-
ғишни ўйлагансиз. "Туғаман", - деб туриб олгансиз.
Энди бу сафар эрингизни ҳам сабри тугаган. "Туғ-
майсан", - деб очикчасига ҳўжумга ўтган. (Чунки
иккинчи болангиз бўйингизда бўлганда узоқ вақт
касалхонага ётиб унинг юрагини олиб қўйгансиз,
унинг ўша пайтдаги бетайин ўтган кунлари кўз ол-
дига келгандир). Сиз бўлсангиз Азизахон унинг ру-

АЁЛ ЎЗ ҚАДРИНИ, ЎЗ ҲУҚУҚИНИ
БИЛСИН...

ҳий ҳолатини тушунмагансиз ёки қайсарлик қилиб
тушунишни истамагансиз. "Эрим Оллоҳ берган
неъматни туғма деяпти", - деб ота-онангизни ҳам
жанжалга аралаштиргансиз. Жанжал катталашган,
вазият кескинлашган, жаҳл устида эрингиз ота-онан-
гизни ҳам ҳақорат қилган. Улар эса ҳаммасига чек
қўйиб сизни олдиларига солиб олиб кетишган. На-
тижада шундоғам омонат бўлиб турган оила бира-
тўла барбод бўлган.

Мана шу ерда сиз жуда катта хатога йўл қўйган-
сиз. Ўша пайтда сиз ўзгаларнинг эмас эрингизнинг
раёйига қарашингиз керак эди. Майли, бир-икки йил
туғмай, дам олинг эди. Қизингизни оёққа тургизинг
эди. Уни дада, ая деган тили билан эрингизга пеш-
воз чиқиб, ота-бола ўртасида озгина меҳр уйғонсин
эди. Эрингизни ҳам асаблари дам олар эди. Сиз
уни аёллик меҳрингиз билан парвариш қилинг эди.

БИР ХАТ ИЗИДАН

Ахир эр ушлаш ҳам бир санъат-ку. Эрингиз ҳаётда
фақат гам-ташвиш эмас, яхши кунлар ҳам бўли-
шига ишонсин эди. Ана ундан кейин унинг ўзи сиз-
дан энди ўғил фарзанд туғиб беришингизни сўра-
ди.

Мана шу маънода оилангизни барбод бўлиши-
да эрингиз билан баробар айблаётган эдик. Яна
ўйлайсан киши, сиз эрингиз билан 3 йил бирга
яшагансиз. Агар у сиз ўзингиз ёзгандек инсон бўлса
(сиз уч йил ҳам жанжал, тўполон билан хўрланиб
яшган бўлсангиз) қандай қилиб яшадингиз? Ахир
бундай муҳида уч йил нарёгда турсин 3 кун ҳам
яшашинг ўзи бўлмайди-ку. Бунинг устига ўзингиз-
нинг соғлигингиз ҳам жойида эмас экан. Яна сиз
уч йилда укта бола кўргансиз...

Буларнинг барчаси билан сиз ўзингизни ўзин-
гиз қийнагансиз, айтиш жоиз бўлса, ўз бурчингиз-
ни ҳам, ҳақ-ҳуқуқингизни ҳам унутгансиз. Оқибат
эса... хозирги аҳволга тушиб қолгансиз: "Гуё сиз

ҳаётда ҳеч кимга керак эмасдек,
сиз учун ҳаёт фақат азоб-укубат-
дан иборатдек. Азиза, ҳаммасини
тушунамиз. Сиз биздан нажот ку-
таяпсиз. Шунинг учун ҳам биз ушбу мақолани ёз-
масликка ўзимизда куч топа олмадик.

Аслида сиз хатингизда биздан ҳам, ҳатто эрин-
гиздан ҳам (уй-жой, алимент) ҳеч нарса талаб қил-
магансиз. Фақатгина мана шу боши берк кўчадан
чиқиб олишингизга қимдир, қандайдир ёрдам,
тўғри маслаҳат, озгина эътибор, юрагингизга эса
бирмунча далда кутмоқдасиз. Шу маънода бизнинг
сизга маслаҳатимиз, ёзганларимиздан тўғри хуло-
са чиқариб, фақат қалбингизга қулоқ солинг. Эрин-
гизнинг яхши инсон эмаслигига, у барибир сизни
бахтли қилолмаслигига ишончингиз ҳосил бўлса,
бундай эркак қуйишга, йиғлашга арзаймайди.

Энди қаддингизни тик тутинг. Болаларингиз-
ни оёққа тургизинг. Вақт одил ҳакам. У хар қан-
дай оғир дарддин ҳам аста-секин даволайди.
Сизга Оллоҳдан сабр-тоқат, фарзандларингиз-
га узоқ умр тилаймиз...

Нафиса АННАЕВА,
Исоқ САТТОРОВ

Оила ва жамият

Мақолада келтирилган фактлар,
воқеалар, маълумотлар учун муал-
лиф жавобгар ҳисобланади.

Муаллиф фикри таҳририят нуқтаи
назаридан фарқ қилиши мумкин.
Қўлёзмалар таҳлил қилинмайди
ва муаллифларга қайтарилмайди.

БОШИ МУҲАРРИР: ДИЛБАР САИДОВА

Телефонлар:
Бош муҳаррир — 133-28-20
Котибият — 34-86-91

МАНЗИЛИМИЗ:
Тошкент - 700000
Амир Темур кўчаси,
1-тор кўча, 2-уй.

«Шарқ» нашриёт-матбаа концерни босмаҳонаси.
Манзил: Тошкент, Буюк Турон кўчаси, 41-уй.
Босишга топшириш вақти - 20.35
Босишга топширилди - 21.15

ХОМИИ

«Матбуот тарқатуви»
акциядорлик жамияти

ОБУНА ИНДЕКСИ - { якка обуначилар учун 176
ташкилотлар учун 177

Рўйхатга олиш № 33
Формат А-3, ҳажми 2 босма тобук,
Баҳоси эркин нарҳда.
Расом - Н. ХОЛМУРОДОВ.
Навбатчи - М. СОДИКОВ.